

講義

三十一

三略

駢

漢書門			
類	號	函	架
二五二八	一三八	一七	一七

內閣文庫		漢書
類	號	冊
二五二八	一七八	一七

內閣文庫	
番號	漢 2528
冊數	17 (10)
函號	299 212




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



綴じ部(喉部分)の文字など開きが不鮮明な箇所あり





Faded handwritten text in vertical columns, possibly bleed-through from the reverse side. The text is illegible due to fading and the age of the paper.

A blank page with a light beige or cream color, showing signs of aging and slight discoloration.



漢書列傳才十張良遊下邳地上一老父直隨其後圯下曰孺子下取履良愕然欲取之為其老  
乃強忍下取履跪進父以足受之曰孺子可教矣後五日平明與秋期此良往父已先在去  
後五日雞鳴往父又先在去後五日良夜半往有頃父亦來喜曰當如是出一編書曰讀  
是則為王者師後十年與十三年孺子見秋濟水穀城山下黃石即秋已遂去不見且  
日視其書乃太公兵法良因恠之常習誦之良始所見下邳地上一老人與書者後  
十三歲後高帝過沛小果得穀城山下黃石取而寶祠之及良死并葬黃石每  
上冢伏臘祠黃石

施氏三略講義卷第三十一



六韜曰略本

太公兵法而謂之黃石公

兵略者按前漢張子房授書之事老人

指穀城山下黃石以為已而其所授之

書乃太公兵法後世因而謂之黃石公

兵略亦如詩本夫子所刪也後世謂之

毛詩以其出於毛萇之所訓也黃石公

兵略其此意歟



上略

夫主將之法務擊莫雄之必賞祿有功通志於衆故與衆同好靡不成與衆同惡靡不傾軍國之勢所恃者賢與民耳非賢孰與謀非民孰與用法曰爲國之道恃賢與民惟所恃者賢故必擊莫雄之必惟所恃者民故必通志於衆欲擊莫雄之心則必有以示其報賞祿有功所以示報也欲通志於衆則必同其情之好惡同其好則可以與

之成之同其惡則可以與之傾之我之所爲民之所好也與之同之故可以成吾之事彼之所爲民之所惡也與之同之故可以傾彼之國昔者武王之興十夫予翼此則莫雄之心有所擊也崇德報功非以賞祿有功乎明誓所告此則通志於衆也迎師之民與之休息非以同其好乎倒戈之衆與之共馳非以同其惡乎惟同其好惡此所以能興周而滅商也後世光武中興



鄧禹說之於鄴有所謂於今之計莫如延  
擲英雄務悅民心鄧禹之說不無得於此  
也  
治國安家得人亡國破家失人也含氣之  
類咸願得其志  
得士者昌失士者亡三仁去而商亡二老  
歸而周熾百里用於秦而秦霸范增棄於  
楚而楚弱或得或失一興一亡不無明驗  
也况天下之人秉氣以生者皆欲得其所

欲而遂其志軍法不云乎智者樂立其功  
勇者好行其志貪者邀趨其利愚者不顧  
其死因其至情而用之此軍之微權也則  
人之有志有孰不欲得其志此光武之於  
鄧禹所以有曰即如是何欲為者蓋亦欲  
使之遂其所志也

軍識曰柔能制剛弱能制強柔者德也剛者  
賊也弱者人之所助強者怨之所攻柔有所  
設剛有所施弱有所用強有所加兼此四者

老子三十六章  
云柔之勝剛弱  
之勝強  
性理大全五十一  
或問柔能勝  
剛弱能勝強  
他之說朱子曰  
他便揀便宜



底先占了若  
這下則剛柔  
寬猛各有用  
時

而制其宜

老子曰：惟天下之至柔，為能制天下之至剛；惟天下之至弱，為能馳騁天下之至強。是則若無能為者，乃可以大有為也。若無所用者，乃可以成其用也。柔之與弱，剛之與強，一而二者也。自其躰而言之，則曰：剛柔自其用而言之，則曰：強弱。以柔視剛，柔似非剛敵也；而柔能制剛者，以其若無能為而後，可以大有為也。以弱視強，弱亦非

後漢書臧宮傳云：匈奴飢疫自相分爭，宮願得五千騎以立功。帝笑曰：常勝之家，難于慮敵。吾方自思之。二十七年，于楊虛侯馬武上書云：詔報曰：黃石。記曰：柔能制剛，弱能制強。柔者德也，剛者賊也。弱者仁之助也，强者怨之歸也。故曰：有德之君，以所樂樂人，無德之君，以所樂樂身。樂人者，其樂長，樂身者，不久而亡。

強敵也。而弱能制強者，以其若無所用者，乃可以成其用也。光武以柔道理天下者也。其於臧宮馬武之請，却而不從，亦嘗舉是以為言。而當時之稱光武者，獨以謹厚名之。茲非取其能有所制乎？柔則不爭，不爭而人服，其息足以感之也。所以為德。若夫剛則易犯，故為賊焉。弱則能下人，故為人所助。強則敵者眾，故為怨所攻。雖然，剛柔強弱四者，不可偏廢。柔不徒柔也，獨柔



則失之懦故柔有所設而剛復有所施弱  
不徒弱也獨弱則失之怯故弱有所用而  
強復有所加此無他其始若無能為者其  
終必大有為其始若無所用者其終必見  
於所用四者之用各有所宜兼是而隨宜  
以制事可以有成矣方文王之導養時晦  
若甚柔也而大勲所舉有所不憚其剛必  
有所施也武王之師渡孟津若甚弱也而  
熊羆之士奮于商郊其強又有所加也文

遵

武之君惟兼是而制之此所以能造周而  
革商也謂之軍讖者軍讖古兵法之一書  
也兵略舉軍讖以為言以其古者之言然  
也非己之私言也

端末未見人莫能知天地神明與物推移變  
動無常因敵轉化不為事先動而輒隨

智者見於未形故於端末未見人莫能知  
之際而能知之其所以能知之者以其因  
敵而察之也且天地之理神而明之冥於



造化之間若難知也然必與物推移即其所以推移者而求之天地神明之理可知矣時運春夏物以之生而天地冲和之氣於是乎盛時運秋冬物以之成而天地嚴凝之氣於是乎鍾天地雖神明即諸此而可知矣用兵之道亦猶是也變動之隆若難知也然必因敵而轉化兵有強弱有奇正其變固無常也其強弱所示奇正所施必因敵而後用是能因敵轉化也及其應

際

之也待之貴後故不爲事先彼動而後隨之法曰資因敵家之動變生兩陣之間故不先事而舉貴在於因敵而動蓋知造化之理有所寓則知用兵之機有所施天地造化之理雖神明然必有所寓故與物推移變動無常此用兵之機也機雖無常亦必有所施故因敵而轉化以是理明是機兵道盡矣然其用之也不可先事而興必因其動而隨之是又機有所待而因敵以

舉



用也。昔越之圖吳也。吳未發而越先發。范蠡力言其不可越。王不從。率以無功。是則事先不可為也。及吳為伐齊之舉。而蠡曰。而襲之。非能因而隨之乎。故能圖制無疆。扶成天威。匡正八極。密定九夷。如此謀者。為帝王師。有莫大之能者。有莫大之功。惟能知事之所舉。與敵之所為。故能圖制其業。而至於無疆。扶成其威。而如振天下。使八極之遠。

卒

匡

各歸於匡正。九夷之外。亦可以密定之。茲非有莫大之功乎。能有此謀。則可以為帝王師。而與之共創天業矣。昔者張良之所以造漢者。大抵出於此書。此所以能為漢運籌而立漢社稷也。不然。則何以有以三寸舌為帝者師之言。故曰。莫不貪強。鮮能守微。若能守微。乃保其生。聖人在之。動應事機。舒之彌四海。卷之不盈懷。居之不以室宅。守之不以城郭。藏之胸

匡

存



臆而敵國服。以力制人者，不若制之。以心何則？以力爭者，人亦以力拒，不無傷民也。孰若守之於心，而使民不傷，其生者乎？強者力也，微者心也。書曰：道心惟微。此心說也。人皆知以力相攻，故莫不貪強。至於守之，以心者亦寡矣。故鮮能守，微能守是心，則兵革不興。天下之有生者，資是而以保其生矣。聖人安得不存是心，而以應天下之機乎？是心

也。其操縱有術，由是而推之，可以不戰而收其成功矣。其大也，舒而散之，可以滿四海。及其卷而收之，又且不盈乎懷抱之間。何其小耶？此無他，操縱之術當然也。其所以爲是術者，初非他求也。所以爲居守之道也。居必以室宅，今以心居，故無待於室宅。守必以城郭，今以心守，故無待於城郭。雖藏之方寸之間，而敵國自爾服矣。舜之惟精惟一，允執厥中，此舜之所以守其心。



也。辨惟守是心。故好生之德。可以治于民。而所在可以成。都成邑。何城郭宮室之有。耶。舞干之間。可以使有苗格。其所服爲如。何耶。

軍讖曰。能柔能剛。其彌光。能弱能強。其國彌彰。純柔純弱。其國必削。純剛純強。其國必亡。所謂柔剛者。德也。亦躰也。所謂強弱者。勢也。亦用也。躰用有異。施故其效有異。著以是躰而充之。以爲真。其效雖顯而未著。故

能柔能剛者。特可以使其國之彌光。如所謂不夜其光之光。同以其光明而可見也。以是用而施之於勢。則其效既明而且著。故能弱能強。有可以使其國之彌彰。如所謂厥類惟彰之彰。國以其光之甚而且彰顯也。自其所施者而求其所著者。得無異效乎。若夫不知所以兼用之術。不失之柔弱。必失之剛強。一於柔弱。者懦而不振。故其國必削。一於剛強者。堅而必折。故其國



必亡。此言失之一偏則必有弊也。昔者文  
主之肆不殄厥愆，溫亦不殄厥問，是能剛也。  
故能光于四方。此其彌光之效也。武王之  
退而示弱，而熊羆之師復驅馳于商郊，是  
又能弱能強也。故能廣文王之聲而立武  
成之功，非彌彰乎？乃若魯之所為，則失柔  
弱齊之所為，則失之剛強。故魯終以北面  
事齊，其削可知也。而齊則一跌而遽亡，非  
亡國乎？

能柔

之

夫為國之道，恃賢與民。信賢如腹心，使民如  
四肢，則策無遺。所適如支，躰相隨，骨節相救。  
天道自然，其巧無間。

書曰：后非賢罔乂，則為國者必以賢為助  
也。又曰：非民罔與，守邦則為國者必以民  
為本也。信賢如腹心，以其得人而為之謀  
也。使民如四肢者，以其民之從之易也。既  
得賢以為謀，又得民以為用，不動則已，一  
有所用，無其動，有成功而舉無遺策也。慮



多成則人服故有所適之處如支躰相隨  
一骨節相救亦其勢之必然也故謂之天道  
自然其巧無間巧而無間者以其巧於為  
國非人之所間與也傳有所謂吾無間然  
者以其不能間與於其間也或又謂其心  
既同人不得而離間之也如所謂人不能  
間於其父母昆弟之間同也昔者高祖之  
興也張良為之運籌陳平為之出奇高祖  
夫正以是而為腹心也及入關之際秦民大

喜三秦可傳檄而定則民之從其所使寧  
不如四支之易乎故可守則守雖堅固陵  
之壁不以為怯可攻則攻雖促坡下之戰  
不以為躁策之無遺至於此一有所適其  
誰不從乎

軍國之要察衆心施有務危者安之懼者歡  
之叛者還之寃者原之詐者察之卑者貴之  
強者抑之敵者殘之貪者豐之欲者使之畏  
者隱之謀者近之說者覆之毀者復之反者

旨務武臣全之  
亦作百務

說



廢之。橫者挫之。滿者損之。敗者招之。服者活之。降者脫之。

軍國雖有異勢。而所治則無異理。何則。以其人均一心也。惟其人均一心。故必察衆之心。而後百務可得而施。夫人之常情。好安惡危。故危者必有以安之。昔裴行儉之襲都支。道迷士飢。可謂危矣。行儉一祭而衆乃安。非以安其危乎。樂則進。懼則退。亦人之情也。故懼者必有以歡之。曹操進哀

表

紹侯者。白其騎之多。而曹公則志意自如。非以歡其懼乎。叛逆者。人之所共惡也。故還之。猛獲奔秦。秦不之受。以其保之無益。是能還其叛也。小嫌不足置胸中。故有寬者。必爲之原之。使得其平。任城王道宗爲尉遲敬德所擊。目幾眇。而太宗因思前世功臣。以釋之。是能原其冤也。人有所訴。必其情之不足也。故必致其察。王濬自以爲功大而爲王渾所抑。每陳其攻伐之勞。及



見狂之狀。帝容恕之。是能察其詐也。卑者  
或有可用。必從而貴之。許歷一言。而趙奢  
拜為國尉。是能貴其卑也。強者易至於生  
事。必有以抑之。臧官馬。武撫劍抵掌。馳志  
伊吾。光武不與其請。是能抑其強也。人不  
可使有敵已者。故敵者必殘之。項王、高帝  
之敵也。垓下之役。必欲殞其軀。而後已。是  
能殘其敵也。貪者必欲趨其利。故必有以  
豐之。信布之徒。貪者也。而張良則請損關。

捐

東以予之。所以豐之也。人有所欲。因而使  
之。王翦請六十萬人。以擊荆秦王。始不予。  
而終必予之。是使其欲也。人畏則怯。故必  
有以隱之。潯沱之役。河水流澌。衆所畏也。  
而王霸詭曰。冰堅可渡。是能隱其畏也。人  
有謀可用。則親而近之。如鄧禹語。光武以  
深慮遠圖。光武常念之。止宿於中。與定計  
議。是能近其謀也。說言進。則事敗。故必覆  
而滅之。太宗之世。有男子。上急變者。太宗



立斬之。是說者必覆滅之。毀人者必損其  
實。故始雖信而終必復之。人言陳平盜嫂  
受金。帝始雖信之而終復任之。反者則不  
循理。故必有以廢之。人言韓信反。高祖輜  
車以執之。是廢之也。人有橫逆從而挫之。  
張敖不禮高帝而帝使人捕之。是挫之也。  
滿者必自盈。故當有以損之。七國地大。景  
帝削之。是損之也。歸者必有以招之。所以  
懷之也。光武命諸將以平定安進。長安之

嫂

吏民是招之也。服者不可殺。必活之。盆子  
既服。光武待以不死。是也。人既降。則必與  
脫其難。高暉日越降。光弼令與俱來。是也。  
凡此以上皆因衆心而施之也。  
獲固守之。獲阨塞之。獲難屯之。

地有異勢。據其勢則必欲各盡其法。固者  
形勢之地。可恃以爲固。故必守之。守之則  
以城稱地。以人稱城。所以爲守也。阨者阨  
塞之地。其地爲小。故必有以塞之。塞之則



必先盈之以待敵所以塞之也至於難則  
險難之地故必分兵以屯之屯之則欲使  
首尾相應烟火相及而後可以屯之也昔  
高祖之興漢也於成臯則塞之於太行則  
杜之於白馬津則守之凡若是者皆法其  
所以據之之盡也

獲城割之獲地裂之獲財散之

兵法廓地則分利故得人之利者不可以  
自有必分以予之使其共其利獲人之城則

割以予之獲之之地則裂以分之獲人之  
財則散而畀之皆所以分其利也高祖之  
興也齊國雖大以王韓信趙國雖險以王  
張耳秦府雖多以委諸將凡若是者皆所  
以分其利而與之共之也

敵動伺之敵近備之敵強下之敵佚去之敵  
陵待之敵暴緩之敵悖義之敵睦携之順舉  
挫之因勢破之放言過之四網羅之網  
法曰變生兩陣之間故於敵動之際必有



以伺之。楚子與伯州犁登巢車以望晉軍。所以伺其動也。法曰：以近待遠，則近者為得勢，故必備之。吳漢與蘇茂既戰，還營之。際可謂近矣。吳漢乃椎牛享士，使入倍其氣，所以備之也。法曰：強而避之，是強者不可敵，必有以下之，而後可。王後之兵可謂強矣。而石勒則從而推戴之，是能下其強也。法曰：以佚待勞，是佚者不可近也。故必去之。司馬懿討文懿，阻遼以待之，可謂佚

後

矣。而司馬懿則奔之，而直擣襄平，是佚則去之也。法曰：毋待其不來，吾有以待之，則敵之憑陵於己者，不可無以待之。吳楚兵之素號輕剽，及攻東南之際，臣夫使備西北，蓋欲以是而待其陵也。法曰：暴必以詐服，則以暴兵而加之者，吾當有謀以綏之，使不得逞其暴。入關之始，項羽欲伐高祖，是暴也。而高祖則使項梁以備他寇，為辭是欲有以綏之也。法曰：以義治之，之謂正。

佚



敵悖則彼悖於正也。彼悖於正，吾則以義正之。夏商之季，皆悖也。湯武之興，皆以義正之也。法曰：親而離之，敵之睦者，是彼之情親也。親而離之，則其情睽矣。武俊之與朱滔，其始非不親也。及存寬一說，武俊而朱滔無死所矣。是能攜其睦也。既知所以應敵之道，斯可以施制敵之術。自敵動伺之而下，皆所以應之也。應之必有以制之。故於是乎順舉挫之，因勢破之，放言過之。

考

網

四網羅之，是又制之之術也。蓋踐墨隨敵戰事，乃可以決。故其始則順其所舉而挫之，使不得逞其志。因其形勢而破之，使不得施其力。然兵有奇正，正不獲意，則權之以奇。故又放言過之，所以出其不意。四網羅之，所以使之腹背受敵。昔行儉之討都支也，以其動安西之地，連吐蕃之和，行儉因得以順而因之，以致其罰。行儉知其勢之未可以全勝，乃揚言駐軍偽示間暇。此

網



所以放言過之。及都支不設備。乃召四鎮酋長而為討襲之計。是又以四網羅之也。制敵之術。行儉其得之矣。順舉之說。人或謂所舉之順。是兵以正舉也。所舉者正。則彼服其罪。而師出有名。故可以因勢破之。得而勿有。居而勿守。拔而勿久。立而勿取。為者則已。有者則亡。焉知利之所在。彼為諸侯已為天子。使城自保。令士自取。事不可以有心為也。有心於為之者。事未

網

必遂。故既得之矣。則不可以為已。有此無心於取之也。既居之。則不可求所以守之。此無心於保之也。惟其不有。則其歸之也。必眾。惟其不守。則其處之也。必堅。此豈有必於求天下也。則分為千八百國。其肯自以為己有乎。其居之也。則使之睦。乃四隣以藩王室。其肯求所以守之乎。拔人之城。不可則已。久而拔之。是有心也。去民殘。必為之立其君。不立而取。是有心也。惟無心



於拔之則師至而人必降。惟無心於取之，則刑舉而德復明。是豈有心於伐人者耶？春秋之際，楚以浹旬之間而克三都，則其拔之豈以久耶？鄭伯使公孫權奉許，齊以君許，東偏是又立而不取之也。天下之事，惟出於無心，故爲之則已，以明其義之所出也。有者則亡，以其利之有所分也。利既分矣，吾安知其利之所在？吾不過總其權而位於上，以爲天子使彼士者，則分其地。

叔

而治之於下，以爲諸侯。夫如是，故不勞於守，而其守也堅。何以能堅其守？以其使城自保也。惟不貪其利，故其分之也均。何以能均其利？以其使之自取也。昔高祖得天下之際，捐數千里，與豨布之徒封各四千戶。與趙之子弟，高祖安知其利耶？高祖之所知者，不過今日方知皇帝尊矣。天下之利非所知也。韓信得齊，則因而王之，所以使之自保也。子房願留，則因以封之，所以



使之自取也。下者，賦。薄賦，不匱其財。罕  
下者，務耕桑，不奪其時。薄賦，不匱其財。罕  
徭役，不使其勞，則國富而家娛。然後選士以  
司牧之。夫所謂士者，英雄也。故曰：羅其英雄，  
則敵國窮。英雄者，國之幹。庶民者，國之本。得  
其幹，收其本，則政行而無怨。君與親均，為人之所歸也。內則有親，上則  
有君，親之所聚，必原其本之所自。君之所  
尊，必得其民之所往。世之人皆能祖祖，是  
能推其本之所出，而以明其親也。鮮能下  
下，是不能得民，而以為民也。周人之法，有  
所謂宗以族得民，有祖必有宗。宗之所以  
能得民者，以其能祖祖也。至於下下而為  
君，則必有君道者，乃可以君之也。若文王  
之不悔，武王之不洩，是能下下也。下下乃  
可以為君。此文武之所以王也。下下者，務  
耕桑，不奪其時，所以勸民以務本也。薄賦

使之自取也。下者，賦。薄賦，不匱其財。罕  
下者，務耕桑，不奪其時。薄賦，不匱其財。罕  
徭役，不使其勞，則國富而家娛。然後選士以  
司牧之。夫所謂士者，英雄也。故曰：羅其英雄，  
則敵國窮。英雄者，國之幹。庶民者，國之本。得  
其幹，收其本，則政行而無怨。君與親均，為人之所歸也。內則有親，上則  
有君，親之所聚，必原其本之所自。君之所  
尊，必得其民之所往。世之人皆能祖祖，是  
能推其本之所出，而以明其親也。鮮能下  
下，是不能得民，而以為民也。周人之法，有  
所謂宗以族得民，有祖必有宗。宗之所以  
能得民者，以其能祖祖也。至於下下而為  
君，則必有君道者，乃可以君之也。若文王  
之不悔，武王之不洩，是能下下也。下下乃  
可以為君。此文武之所以王也。下下者，務  
耕桑，不奪其時，所以勸民以務本也。薄賦



三國七書經義卷三十一 二十七  
歛不匱其財所以寬民以足用也罕徭役  
不使其勞所以舒民而以養其力也夫如  
是則國可以富殖家可以娛樂既富庶矣  
而不有以治之不幾於失其性乎故又選  
士以司牧之所以化之也昔文王之在西  
土也即康功田功所以教之務耕桑也以  
庶邦惟正之供所以示其薄賦歛也靈臺  
之作不日而成其徭役之罕又可知也文  
王之所以治其國者如是而又得南宮括

散宜生之徒往來以迪彝教使文王之德  
降于國人則所以司牧之者又得其士矣  
夫所謂士者以其有莫材雄略者也凡武  
王之所任者皆其人也既得其人則敵國  
可不戰而服故羅其莫雄則敵國窮夫國  
之強弱不在於兵食而在於士彼國之士  
既爲我所得宜其國窮也十夫予翼二老  
既歸商人不復有國矣此所以能窮之也  
莫雄者國之幹庶民者國之本幹與本一



而二也。本根也。幹株也。木以本而固，以幹而強。有賢無民，其本不固；有民無賢，其勢不強。賢者能強人之國，故以韓言庶民能固人之國，故以本言。傳有所謂公輔國之棟梁，則其為國之幹也明矣。書有所謂民惟邦本，本固邦寧，則民國之本也。又明矣。為國之道，恃賢與民，故得其幹，收其本，而可以使政行而無怨。文王之興，多士濟濟，此則得賢以為幹也。三分天下有其二，此

幹

則得民以為之本也。發政施仁，民樂其德，又何怨之有。

夫用兵之要在崇禮而重祿。禮崇則智士至，祿重則義士輕死。故祿賢不愛財，賞功不踰時，則下力并而敵國削。夫用人之道，尊以爵，賸以財，則士自來。接以禮，勵以義，則士死之。兵不在兵而在所以用之者，故用兵之要必崇禮而重祿。禮所以待下，不可或苟，必崇之而後可。祿所以賞功，不可或輕，必重



乏而後可。古者軍幕未辨而不言倦，軍食未熟而不言飢，所以崇禮也。祿賢不愛財，賞功不踰時，所以重祿也。古之人若是者，非徒爾也，必有所致也。禮崇則智士至，祿重則義士輕死，蓋待之者隆，則可以來其謀，養之者厚，則可以激其節。禮崇而智士大至，非以來其謀乎？祿重則義士輕死，非以激其節乎？昔者燕昭王築臺以禮郭隗，其禮為甚崇也。故樂毅自魏往，劇辛自趙往。

而四方賢士皆歸之，非智士至乎？漢高帝捐數千里以益信布之封，棄數千金以委陳平之用，其祿為甚重也。故周苛以守城而陷，紀信以誑楚而亡，而酈食其亦不恤齊人之烹，非義士輕死乎？故祿賢不愛財，所以厚其所待也。賞功不踰時，所以速其所報也。蓋祿重則義士輕死，所以祿賔不愛財，賞不踰時，欲民速得為善之利，所以賞功不踰時，待之者既厚，報之者既速，則



下必并力爲上而敵固可削矣昔者唐太宗不惜玉帛以予秦瓊是祿賢不愛財也立賜仁貴金於行陣之間是賞功不踰時也夫如是故士樂爲用而群盜可除此其效也故夫用人之道不可以無爵祿爵所以勸之也蓋人孰無欲富貴之心今而尊之以爵贈之以財則可以副其心之所欲故士自來亦不可以無禮義禮義所以激之也蓋人孰無知廉耻之心今而接之以

禮勸之以義則可以感其心之所爲故士死之昔高祖之於韓信也一見而授以大將軍印其於陳平也一聽而予以數千斤金則高祖之所以尊之贈之者至矣楚之諸將豈不背楚而歸漢乎將壇可設有所不辭縞素可爲有所不憚則高祖所以接之勸之者至矣周苛紀信之徒烏得不爲之死耶

夫將帥者必與士率同滋味而共安危敵乃



可加故兵有全勝敵有全囚昔者良將之用  
兵有饋簞醪者使投諸河與士率同流而飲  
夫一簞醪不能味一河之水而三軍之士思  
為致死者以滋味之及已也軍讖曰軍井未  
達將不言渴軍幕未弁將不言倦軍竈未炊  
將不言飢冬不服裘夏不操扇雨不張蓋是  
謂將禮與之安與之危故其衆可合而不可  
離可用而不可疲以其恩素蓄謀素和也故  
曰蓄恩不倦以一取萬

法曰勤勞之師將必先已故為將帥者必  
與士率同滋味而共安危既與之同共斯  
可以得其死力故敵可得而加穰苴唯與  
士率平分糧食故能使病者求行爭奮以  
却燕晉之師田單惟身操版挿與士率分  
功故能使怒自十倍以克燕師木抵馭衆  
有術則可以必勝志在愛人則可以安人  
兵有全勝此言馭之有術而可以必勝也  
敵有全囚此言必乎愛人而可以安人也

帥



昔者吳起全勝六十四充國欲以全取勝  
此兵之全勝也穆子入鼓不戮一人李愬  
入蔡不殺一人此敵之全囚也是以昔之  
善用兵者必有以得人心人有饋一簞  
之醪者最爲微小而善將者不欲自享於  
己使投諸河與三軍共之以一簞之醪味  
一河之水固未甚可飲也而三軍感其無  
私故樂爲致死誠以滋味與已共也昔者  
越王之將兵也嘗有饋醪者使投之河以

與士率共而會稽之役得以成功非其效  
歟故軍讖言井未達不言渴幕未弁不言  
倦竈未炊不言飢冬不服裘夏不操扇雨  
不張蓋此言將欲與士率同勞苦共寒暑  
齊飢飽也其在射繚子嘗言勤勞之師將  
必先已暑不張蓋寒不重衣險必下步軍  
井成而後飲軍食熟而後飯軍壘成而後  
舍其在太公則曰將冬不服裘夏不操扇  
雨不張蓋軍皆定次將乃就舍炊者皆熟

孫子兵法卷之十一 二



將乃就食是乃就食是乃軍識之所載也  
將惟知寒暑飢飽之審而見勞苦之明得  
不謂之禮將將而不能服禮何以能下人  
此所以謂之將禮也惟有禮以下人故不  
惟與之安雖危亦可與之共惟有以得其  
心故可以得其力是以其衆可合不可離  
可用不可疲其所以然者以其恩素蓄謀  
素和也蓋必有以感其心而後人思爲用  
有以叶其心而後人樂爲用故曰蓄恩不

倦以一取万此無他其心有感則其力必  
倍法不云乎以寡勝衆者恩也光武推赤  
心置人腹其恩之所蓄亦不倦矣故雖三  
千之兵可以挫毒邑之百万非一取万乎  
軍識曰將之所以爲威者號令也戰之所以  
全勝者軍政也士之所以輕戰者用命也故  
將無還令賞罰必信如天如地乃可御人士  
率用命乃可越境  
欲人有所畏則必有齊之之法欲功有所



成則必有馭之之法欲人力於進則必有帥之之法將之所以為威者欲人之知所畏也然非齊之以號令則不可法曰修吾號令則所以為威者非號令其可乎戰之所以全勝欲其功之有成也然非馭之以軍政則不可軍政者賞罰也軍政何以知其為賞罰按左氏傳楚子伐吳不為軍政無功而還杜氏釋之曰不設賞罰之差則軍政之為賞罰也明矣况下文言將無還

令賞罰必信則賞罰誠軍政之所寓也法曰明賞於前決罰於後是則欲有全勝之政者不可無軍政也至於使之力於進而輕於戰必其帥之有法故能使之用命也法曰士率用命則戰無強敵是用命而乃可以使之輕戰也昔李光弼北城之戰三麾至地所以為号令也賞罰必當所以為軍政也死生以之又所以使之用命也光弼惟備是三者所以能使之不敢仰視而



北城之役可以一舉而成功者皆其效也故  
將無還令賞罰必信蓋令在必行權在必  
用令而不還則令必行也賞罰必信則權  
必用也如天如地言其可信如天地之不  
易也夫天有風雷所以為號令也雷不一  
風不再而將無還令實似之天有陰陽所  
以為賞罰也春夏為陽秋冬為陰而將之  
賞罰之信實似之取其有不易之理故可  
以為馭眾之術此如天如地所以可御人

也是亦非彌北城之号令賞罰也至於士  
率用命則亦其所以馭之者有術故士率  
用命而可以越境致戰此班超在西域之  
際三十六人所以皆從司馬者用命也  
夫統軍持勢者將也制勝破敵者眾也故亂  
將不可使保軍卒眾不可使伐人攻城則不  
拔圖邑則不廢二者無功則士力疲弊士力  
疲弊則將孤眾特以守則不固以戰則奔北  
是謂老兵兵老則將威不行將無威則士率



輕刑士率輕刑則軍失伍軍失伍則士率逃  
 亡士率逃亡則敵乘利敵乘利則軍必喪  
 總兵之權則在於將故統軍持勢者將也  
 成戰之功則在於衆故制勝破敵者衆也  
 強弱所示行陣所列皆將之所以統軍持  
 勢也鑿鋒陷陣戮力就列皆衆之所以制  
 勝破敵也韓信井陘之役背水之陣旗鼓  
 之設固信之權也至於死戰不可敗則衆  
 之所為也非信獨能也此制勝破敵所以

又在乎衆雖然料敵制勝上將之道而此  
 以制勝破敵歸之衆者蓋將所以用衆而  
 衆則為將所用故制之之力在於衆而制  
 之之術則在於將故法又曰將能制勝將  
 固可以統軍也然亂將則何以使之保其  
 軍衆固可以制勝也然乖衆則何以伐人  
 以之攻城則不能按人之城以之圖邑則  
 不能廢人之邑二者既不可以立功宜其  
 士力無所激而至於疲弊士力疲弊則將



與眾格故將孤而眾特以之守則無以自  
固以之戰則自至敗衄若是者徒老其兵  
也兵老則人疲故將威不行將無威則  
何以馭眾此士率所以輕刑士率惟輕刑  
則必不可得而用所以失伍逃亡而敵人  
乘而敗之必矣此正邲之役晉餘師不能  
軍井陘之役趙將不能止其奔潰也

軍讖曰良將之統軍也恕已而治人惟惠施  
恩士力日新戰如風發攻如河決故其眾可

望而不可當可下而不可勝以身先人故其  
兵為天下雄

將惟能盡待下之道故可以作其敢為之  
心恕已治人推惠施恩此良將待下之道  
也將之所以恕已而治人者以其能推已  
之所欲而以治人故勞苦寒暑必與之同  
推惠施恩者以其有恩惠以及人也以恩  
惠而及人則凡人之所不逮者吾皆有以  
恤之待之若是則士之感戴而思奮者宜



其力之可以日新也。昔吳起善統軍者也。廉平可以得士，心則所以恕已待人有得矣。吮疽可以得死率，則所以推惠施恩者得矣。夫如是，故能使吏士不待令而奮者，以萬數，則其士力之新為如何？士力既日新矣，則無所用而不可以之而戰，則如風發以之而攻，則如河決如風之發言其勢之震蕩也。如河之決，言其勢之奔突也。惟其有不可禦之勢，故為或敢禦之人，是以

可望而不可當，可下而不可勝，則其誰敢禦之耶？昔岑彭之用兵，馳至成都，勢若風雨，則其勢之不可禦也。至使公孫述大驚而蜀兵為之敗走，則又孰敢當之而求勝之耶？用兵若是固可以勝矣。若夫以勇帥下者，其兵尤不可敵也。故有陣則先陷，有軍城則先登，是能以身先人也。惟能帥之以身故，其兵無敵而為天下雄矣。昔薛仁貴之為將，自恃驍悍，著白衣以自標顯，持戟



腰弓奮呼而前至使太宗喜愧將之得賊  
衆有奔潰之敗則其兵之雄爲如何  
軍讖曰軍以賞爲表以罰爲裏賞罰明則將  
威行官人得則士率服所任賢則敵國震軍  
讖曰賢者所適其前無敵故士可下而不可  
驕將可樂而不可憂謀可深而不可疑士驕  
則下不順將憂則內外不相信謀疑則敵國  
奮以此攻伐則致亂  
用賞者人之所欲而用罰者人所不得已

故軍以賞爲表所以顯而示之於其外也  
以罰爲裏所以忍而藏之於其內也示之  
於外則可以使人之向慕藏之於內則使  
人知耻而不犯法曰明賞於前決罰於後  
前賞則使之慕後罰則抑之是亦表裏之  
意也又曰賞如山罰如谿山則易見谿則  
易避是亦表裏之說也昔湯之誓師也有  
曰用命賞于祖不用命戮于社賞必於祖  
以祖主乎陽所以顯之也戮必於社以社



主乎陰所以隱之也亦表裏之所寓也賞  
罰明則將威行以其權足以馭人而人必  
畏而從之也法曰刑上究賞下流此將之  
武也是則刑賞明而後將威以之行也此  
城之役刺賊者有賞不刺者有斬則賞罰  
亦明矣三麾而死生以之軍中莫之敢仰  
視則其威爲如何至於官人得則士率服  
此言將善擇吏而可以得士率之心也十  
儀所取得人見於幕府之六十人光弼所

卒 卒

部皆章章可稱則官人可謂得矣至使恩  
信所結雖叛率亦德之旗麾所推舉諸軍  
無不奮則其士率之服爲如何若夫所任  
之賢則君善擇將也故可以警敵人之心  
肅宗委子儀以河東之事則所任賢矣至  
使吐蕃爲之去回紇爲之驚非敵國震乎  
節度光弼於范陽則所任賢矣能使思明  
爲之駭聞摯爲之道非敵國震乎賢之有  
益於人之國也如此故軍識曰賢者所適



其前無敵以其兵之所指人必降伏而莫  
之敵是亦子儀光弼之所以勝也士可下  
不可驕者下之所以使之從所馭也驕則  
變生如後唐莊宗之兵驕而不可遏則兵  
驕爲大患也奚可哉將可樂而不可憂樂  
之則敢於進戰憂則怯矣如車先之懼有  
敗衄而爲劉裕所敗則將憂大患也奚可  
哉謀之深則秘而莫知疑則無斷故可深  
不可疑昔諸葛亮謀多決少則疑矣士之

所以不可驕者以其下不順必至於犯上  
矣將之所以不可憂者以其內外不相信  
必至於敗事矣謀之所以不可疑者以其  
已疑而敵奮必見奪於人矣凡此者皆其  
所不可也故以此攻伐則必致亂此法所  
以有亂軍引勝之說也

夫將者國之命也將能制勝則國家安定軍  
識曰將能清能靜能平能整能受諫能聽訟  
能納人能採言能知國俗能圖山川能表險



難能制軍權

將者國家安危之所係也故為國之命法  
大曰兵者國之大事存亡之道命在於將則  
將為國之命也明矣將惟為國之命故必  
能制勝者乃可以使國家安定是以吳漢  
隱若敵國李勣賢於長城得若人而用之  
何懼其不安定也其在軍識不獨能制勝  
也清靜平整受諫聽訟納人採言知國俗  
圖山川表險難制軍權無所往而不欲盡

其能也清靜者將之所以定其心也平整  
者將之所以正其法也法有所謂靜以幽  
正以治者此清靜平整之說也諸葛亮開  
門却洒彼其心蓋有得於清靜之能也戎  
陣整齊彼其法蓋有得於平整之能也能  
受諫則言無不從許坐一諫而趙奢用之  
以勝能受諫也能聽訟則爭者以息尉繚  
子言將理官是也能納人皆為用李愬得  
秀琳李祐輩皆用之是能納人也能採言



則能知時事昔人以童謠而取虢是也能  
知國俗則可以知敵之情陳湯知郅支情  
習外國事是能知國俗也能圖山川則知  
其道徑之所由鄧艾每見高山大澤輒規  
畫軍營處所是能圖山川也能表險難則  
可以違其害矣馬援聚米爲山谷指示形  
勢是能表險難也夫惟盡行軍之法故能  
司其權而居其任所以終之以能制軍權  
蓋惟能盡是數者之能乃能制軍之權柄

而爲將也

故曰仁賢之智聖明之慮負薪言廊廡之語  
興襄之事將所宜聞

仁賢者臣也聖明者君也君臣之間所不  
同者分而所同者謀故仁賢之智即聖明  
之慮也負薪者賤而在野者也廊廡者貴  
而在朝者也貴賤之間所不同者勢而所  
同者議故負薪之言即廊廡之語也取孫  
皓者羊祐之謀也而武帝之謀亦與之合



平淮蔡者憲宗之謀也而晉公之謀適與  
帝合是則仁賢之智其與聖明之慮殆同  
乎下謀矣戰城濮者晉之朝臣之議而與  
人之誦亦舉焉奔虢公者童謠之言而晉  
臣寔誦之是則負薪之言與廊廡之語殆  
出乎一議矣智慮言語之間莫非古昔興  
衰之事將之所宜聞也胡不觀之孫權以  
書與中蒙使之讀書蒙辭以軍中多務權  
答以豈欲卿治經為博士耶但當獵涉見

往事耳是則興衰之事將可不聞之乎  
將者能思士如渴則策從焉夫將拒諫則莫  
雄散策不從則謀士叛善惡同則功臣倦專  
已則下歸咎自伐則下少功信讒則衆離心  
貪財則姦不禁內顧則士率淫將有一則衆  
不服有二則軍無式有三則下奔北有四則  
禍及國  
人惟急於得人故人亦樂告以謀將思士  
如渴以其急於得人此以得人為急則人



之有謀者詎不以告乎昔者李愬之爲將也惟誠待士則其思士之心亦切矣故士良則獻以禽秀琳之策秀琳則獻以取李祐之策非思士則策從焉若夫拒諫則失士心故莫雄散策不從則拂其謀故謀士叛善惡同則功過無所分故功臣倦專已則失於自用故下歸咎自伐則矜功故下少功信讒則不專任故衆離心貪財則無以律下故奸不禁內顧則下必化之故士

率淫凡此八者皆將之過也有一則無以壓人心故衆不服有二則無以爲下法故軍無式有三則人不爲用故下奔比有四則兵必敗故禍及國蓋言所失多則所害大也

軍讖曰將謀欲密士衆欲一攻敵欲疾將謀密則奸心閉士衆一則軍心結攻敵疾則備不及設軍有此三者則計不奪將謀泄則軍無勢外闕內則禍不制財入營則衆奸會將



有此三者軍必敗

不機在將不可不秘而所以致用則在乎心  
之齊心在衆不可不齊而所以致戰則又  
在乎勢之速謀之密是其機秘也衆之  
其心齊也攻之疾是其勢速也是三者其  
序不能無先後也必先有以密其謀而後  
士衆之心可得而一既有以一其心而用  
之致戰又必致其疾法曰陰其謀密其機  
則將謀必欲其密也又曰用衆在乎心一

則士衆必欲其一也又曰兵之情主速則  
攻敵必欲其疾也昔張子房親得是書者  
也觀其運籌帷幄之中是欲密其謀也與  
天下共誅殺義帝者是欲一其心也及垓  
下之戰援桴鳴鼓惟恐其後者是又欲疾  
其攻也傳言張良受書老人且而讀之乃  
木公兵法則其所學六韜三略驗於此矣  
將謀所以欲密者以其密則人不能料故  
可以息人之奸心不密則如馬邑之伏匈



奴覺之而去之矣。士衆所以欲一者，以其一則人心不散，故軍心結。不一則爲淮湘之衆，一揮而亂莫止矣。攻敵所以欲疾者，以其疾則人不及禦，故備不及設。不疲則爲三年不下二城，而反敗於田單矣。軍惟無此三者，故其計必定而不爲所奪。君夫謀而泄，則權不可用，故軍無勢，內爲外所闕，則人得以圖已，故禍不可制。財而入營，則人以爲貪，故衆奸會，將有此三者，皆不

若疾

是以統軍，故軍必敗。

將無慮，則謀士去。將無勇，則吏士恐。將妄動，則軍不重。將迂怒，則一軍懼。軍議曰：慮也，勇也，將之所重，動也，怒也，將之所用。此四者，將之明誠也。

法曰：無慮而易敵者，必擒於人。是將不可無慮也。將既無慮，則謀士不合，故去之。項羽不用群策，而陳平之徒皆背楚歸漢，是謀士去也。法曰：危之而恐者，勇也。是將不



可無勇也。將既無勇，則士氣不振，故吏士  
恐。軍充懼，有敗衄，而士無鬪心，是吏士恐  
也。法曰：合於利而動，是將不可妄動也。將  
既妄動，則是不能持重也。故軍不重，趙括  
出銳搏戰，而四十萬之衆，率降於秦。是軍  
不重也。法曰：將不可以愠致戰，是將不可  
以愠致戰。是將不可或怒也。將既迂易，其  
怒則怒非其正，故軍危懼。曹咎怒高祖之  
辱已，而舉軍渡汜，率之敗走，其懼可知也。

是以軍識以慮與勇為將所重，以動與怒  
為將所用。蓋兵之將用也，必欲智與力以  
兼資。兵之既用也，必欲機與氣而並得。慮  
即智也，勇即力也。動則有機，怒則以氣。智  
雖能慮，不可驟也。必契其機而後動，勇雖  
有力，不可挫也。必激以怒而後進，故慮與  
勇為將所將，所重而動與怒則乃其所用  
也。昔者趙奢謂韓可救，可謂能慮矣。及其  
用也，則不敢妄動，必待秦間既遣，然後卷



甲而趨是乃動而致用也吳漢嘗先登陷陣可謂勇矣及其用也則必激其怒故激怒軍士人倍其氣然後齊鼓而進是乃怒以致用也慮與勇將之才也不可或闕故為將之所重動與怒乃所以制敵也故為將之所用是四者皆將之所不可忽故為將之明識

軍軍識曰軍無財士不來軍無賞士不往軍識曰香餌之下必有懸魚重賞之下必有死

夫故禮者士之所服賞者士之所死招其所歸示其所死則所求者至故禮而後悔者士不止賞而後悔者士不使禮賞不倦則士爭死

興師十方日費千金則財與賞軍之所不可無也故無財則不能致之來無賞則不能使之往古者賞功不踰時祿賢不愛財此財與賞所以不可無也軍識又曰香餌之下必有懸魚重賞之下必有死夫魚之



所以懸於鈎者以其爲香餌所誘也士之  
所以死於上者以其爲重賞之所役也昔  
者太公之鈎於渭濱也彼其意非爲鈎也  
意有在也觀其答文王曰以餌取魚魚可  
殺以祿取人人可竭是則人之死於賞寧  
不猶魚之懸於餌乎故禮者士之所歸賞  
者士之所死蓋有以待下則人必慕有以  
報下則人必勵禮所以待人也敬入者人  
常敬之此士之所以歸之也賞所以報下

也貪其利者必棄其身此士之所以死也  
法曰禮崇則智士至祿重則人士輕死亦  
此之謂也昔燕昭王築臺以禮郭隗是有  
禮也而樂毅劇辛之徒皆歸之是歸其禮  
也漢王捐數千金捐關東地是能賞也而  
紀信周苛之徒皆死之是死其賞也又惟  
歸於禮吾則盡其所以待之之禮所以招  
之也人惟死於賞吾則明其所以報之之  
賞所以示之也既有以來之則彼之有所



求有無不至矣。禮與賞固可以得之也。然  
禮而後悔者，是不能盡禮也。故士不止於  
此賞而後悔者，是有所吝嗇也。故士不可  
得而使醴酒不設，穆生是行非禮，悔而士  
不止乎。刻印元忽，諸將背之，非賞悔而士  
不使乎。惟其禮賞不倦，則有以得入之心，  
故士爭爲之死。

軍識曰：興師之國，務先隆恩，攻取之國，務先  
養民。以寡勝衆者，恩也；以弱勝強者，民也。故

良將之養士，不易於身故，能使三軍如一心，  
則其勝可全。

兵之所用者，異則德之所感者亦殊。興師  
之國，此兵之所舉也；攻取之國，此兵之所  
加也。興師之國，以隆恩爲先務，此言欲伐  
入者，必先以恩而感吾之士率也；攻取之  
國，以養民爲先務，此言既伐彼之國，則必  
養彼之民，而以得其心也。有以感吾之士  
率，則吾之士率必力於戰，故吾兵雖寡，可



以勝衆寡固不可以敵衆也。而或可以勝衆者，以其有恩以感士率之心也。有以得彼之民心，則彼之人民必知所歸，故吾勢雖弱，可以勝強，弱固不可以敵強也。而或可以勝強者，以其致養以得百姓之心也。昔者文武之興也，方其西土脩德之際，此正興師之國也。必發政施仁者，所以隆恩也。及其武成集勲之際，是爲攻收之國也。必散財發粟者，所以養民也。惟能隆恩，故

可以寡而勝衆，以三千臣而克億兆之人，非以寡勝衆乎？惟能養民，故可以弱而勝強，由百里而王天下，非以弱勝強乎？是以古者良將之於士也，亦必欲有恩以及之。養士不易於身，言以已同之也。惟以身同之，則人必感激而思奮，故雖三軍可使同乎一心，而其勝亦可以全矣。田穰苴善養士者也，身與士率平分糧食，則所以養者不易於身矣。至使病者求行，爭奮而晉師



聞之罷去燕師聞之渡河其三軍一心而全勝可知也

軍讖曰用兵之要必先察敵情視其倉庫度其糧食卜其強弱察其天地伺其空隙故國無軍旅之難而運糧者虛也民菜色者窮也千里饋糧民有飢色推籬後爨師不宿飽夫運糧百里無一年之食二百里無二年之食三百里無三年之食是謂國虛國虛則民貧民貧則上下不親敵攻其外民盜其內是謂

必潰

孫子曰必校之以計而索其情知校計索情之說則知用兵之要必先於察敵也察敵之道不過乎財用糧食強弱天地兵勢虛實也蓋敵之所以能堅守者以其財食之足也以其士衆之強也以其天地之得也以其兵勢之實也苟爲不然則可克矣表紹據有益州之粟曹操則焚其積聚是能視其倉庫而制之也公孫文懿食支一



年司馬懿則以急攻取之是能度其糧食而制之也楚漢雌雄未決之時韓信言雖強易弱是能卜其強弱而制之也仁貴知歲星在午知鳥海之險瘴是皆察其天地之所在也蕭銑以秋潦濤漲不設備李靖因而乘水傳壘以往是能伺其空隙之所在也惟其所以察之者無一而不盡所以制之之術斯可得而施矣若夫國無軍旅之難而運糧者必其國虛也古者有出戌

之率則有轉輸之夫今無軍旅而運糧必其國虛也民有菜色必其無積聚而窮也古者堯湯之世水旱相仍而民無菜色以其備先具也今無故而民有菜色其窮可知也且國之所以窮者以其有師也法曰國之貧於師者遠輸遠輸則而姓貧轉輸之際饋糧於千里則民不足於農務故民有飢色樵蘇之民隨後而爨以供軍食而食有不宿飽者以其衆之難給也師徒之



費如<sub>レ</sub>是<sub>レ</sub>其難<sub>レ</sub>則師<sub>レ</sub>其可<sub>レ</sub>妄興<sub>レ</sub>乎<sub>レ</sub>此李左車<sub>レ</sub>  
之告<sub>レ</sub>陳餘<sub>レ</sub>絕<sub>レ</sub>韓信<sub>レ</sub>之糧道<sub>レ</sub>所以<sub>レ</sub>舉<sub>レ</sub>此言<sub>レ</sub>且<sub>レ</sub>  
運<sub>レ</sub>糧於<sub>レ</sub>百里<sub>レ</sub>之間<sub>レ</sub>則國<sub>レ</sub>必無<sub>レ</sub>一<sub>レ</sub>年<sub>レ</sub>之食<sub>レ</sub>二<sub>レ</sub>  
百里<sub>レ</sub>則必無<sub>レ</sub>二<sub>レ</sub>年<sub>レ</sub>之食<sub>レ</sub>三<sub>レ</sub>百里<sub>レ</sub>則必無<sub>レ</sub>三<sub>レ</sub>  
年<sub>レ</sub>之食<sub>レ</sub>古<sub>レ</sub>者<sub>レ</sub>三<sub>レ</sub>年<sub>レ</sub>耕<sub>レ</sub>必<sub>レ</sub>有<sub>レ</sub>一<sub>レ</sub>年<sub>レ</sub>之蓄<sub>レ</sub>九<sub>レ</sub>年<sub>レ</sub>  
耕<sub>レ</sub>必<sub>レ</sub>有<sub>レ</sub>三<sub>レ</sub>年<sub>レ</sub>之蓄<sub>レ</sub>曰<sub>レ</sub>國<sub>レ</sub>非<sub>レ</sub>其<sub>レ</sub>國<sub>レ</sub>也<sub>レ</sub>國<sub>レ</sub>不<sub>レ</sub>可<sub>レ</sub>  
以<sub>レ</sub>無<sub>レ</sub>三<sub>レ</sub>年<sub>レ</sub>之蓄<sub>レ</sub>今<sub>レ</sub>運<sub>レ</sub>糧<sub>レ</sub>三<sub>レ</sub>百<sub>レ</sub>里<sub>レ</sub>而<sub>レ</sub>無<sub>レ</sub>三<sub>レ</sub>年<sub>レ</sub>  
之食<sub>レ</sub>則<sub>レ</sub>其<sub>レ</sub>國<sub>レ</sub>之<sub>レ</sub>虛<sub>レ</sub>可<sub>レ</sub>知<sub>レ</sub>也<sub>レ</sub>國<sub>レ</sub>虛<sub>レ</sub>則<sub>レ</sub>民<sub>レ</sub>貧<sub>レ</sub>民<sub>レ</sub>  
貧<sub>レ</sub>則<sub>レ</sub>上<sub>レ</sub>下<sub>レ</sub>不<sub>レ</sub>相<sub>レ</sub>親<sub>レ</sub>敵<sub>レ</sub>攻<sub>レ</sub>其<sub>レ</sub>外<sub>レ</sub>民<sub>レ</sub>盜<sub>レ</sub>其<sub>レ</sub>內<sub>レ</sub>若<sub>レ</sub>

是<sub>レ</sub>則<sub>レ</sub>不<sub>レ</sub>足<sub>レ</sub>以<sub>レ</sub>待<sub>レ</sub>敵<sub>レ</sub>矣<sub>レ</sub>故<sub>レ</sub>是<sub>レ</sub>謂<sub>レ</sub>必<sub>レ</sub>潰<sub>レ</sub>以<sub>レ</sub>其<sub>レ</sub>若<sub>レ</sub>  
是<sub>レ</sub>則<sub>レ</sub>必<sub>レ</sub>潰<sub>レ</sub>亂<sub>レ</sub>也<sub>レ</sub>

軍<sub>レ</sub>讖<sub>レ</sub>曰<sub>レ</sub>上<sub>レ</sub>行<sub>レ</sub>虐<sub>レ</sub>則<sub>レ</sub>下<sub>レ</sub>急<sub>レ</sub>刻<sub>レ</sub>賦<sub>レ</sub>重<sub>レ</sub>斂<sub>レ</sub>數<sub>レ</sub>刑<sub>レ</sub>罰<sub>レ</sub>無<sub>レ</sub>  
極<sub>レ</sub>民<sub>レ</sub>相<sub>レ</sub>殘<sub>レ</sub>賊<sub>レ</sub>是<sub>レ</sub>謂<sub>レ</sub>亡<sub>レ</sub>國<sub>レ</sub>

此<sub>レ</sub>言<sub>レ</sub>上<sub>レ</sub>行<sub>レ</sub>下<sub>レ</sub>效<sub>レ</sub>皆<sub>レ</sub>以<sub>レ</sub>暴<sub>レ</sub>虐<sub>レ</sub>為<sub>レ</sub>事<sub>レ</sub>故<sub>レ</sub>上<sub>レ</sub>行<sub>レ</sub>虐<sub>レ</sub>  
則<sub>レ</sub>下<sub>レ</sub>必<sub>レ</sub>急<sub>レ</sub>刻<sub>レ</sub>重<sub>レ</sub>其<sub>レ</sub>賦<sub>レ</sub>斂<sub>レ</sub>以<sub>レ</sub>傷<sub>レ</sub>民<sub>レ</sub>財<sub>レ</sub>酷<sub>レ</sub>其<sub>レ</sub>刑<sub>レ</sub>  
罰<sub>レ</sub>以<sub>レ</sub>傷<sub>レ</sub>民<sub>レ</sub>命<sub>レ</sub>夫<sub>レ</sub>如<sub>レ</sub>是<sub>レ</sub>則<sub>レ</sub>民<sub>レ</sub>無<sub>レ</sub>所<sub>レ</sub>措<sub>レ</sub>而<sub>レ</sub>至<sub>レ</sub>於<sub>レ</sub>  
自<sub>レ</sub>相<sub>レ</sub>殘<sub>レ</sub>賊<sub>レ</sub>若<sub>レ</sub>是<sub>レ</sub>之<sub>レ</sub>國<sub>レ</sub>不<sub>レ</sub>亡<sub>レ</sub>何<sub>レ</sub>待<sub>レ</sub>此<sub>レ</sub>則<sub>レ</sub>商<sub>レ</sub>之<sub>レ</sub>  
季<sub>レ</sub>世<sub>レ</sub>秦<sub>レ</sub>之<sub>レ</sub>末<sub>レ</sub>年<sub>レ</sub>其<sub>レ</sub>亡<sub>レ</sub>也<sub>レ</sub>必<sub>レ</sub>矣<sub>レ</sub>



譽

軍識曰：內貪外廉，詐譽取名，竊公為恩。令上下昏飾躬正顏，以獲高官，是謂盜端。

此言奸詐之人，內實貪，憚外示廉潔，惟其外若廉潔，故可以詐譽而取名。竊公家之物，以自為恩，而施於民，令上下皆昏而不獲，以情通方，且飾躬正顏，詐為正士，以取高官。此盜臣也。是為盜端。此則魯之奸臣少正印之徒之所為也。

軍識曰：群吏朋黨，各進所親，招舉奸枉，抑挫

譽

仁賢，背公立私，同倍相訕，是謂亂源。

此言朋黨之為患，黨同已者去，異已者故各進所親，奸枉者附已，則招舉之。仁賢者異已，則抑挫之。背公立私，則其用心私而不公。同位之間必不相和，故相謗訕亂自此始。故謂之亂源。此則唐之中葉，牛李之徒朋黨者之所為也。

軍識曰：強宗聚奸，無位而尊，威無不震，萬萬相連，種德立恩，奪在位權，侵侮下民，國內譁



誼臣蔽不言是謂亂根

此言世俗之強大也其宗強大而又聚奸以爲援雖無尊位其勢亦尊以此燦人故無不震小大皆然如葛藟之相連種直立恩以植其黨故奪在位權而於民則侵侮之國內雖誼諱不平而人臣畏之莫之敢言亂已立矣故謂之亂根此則漢之季世王氏擅權之禍也

軍讖曰世世作奸侵盜縣官進退求便委曲

弄文以危其君是謂國奸

此言陪臣竊柄世世爲奸侵盜縣官國之府庫之所司也進退求便利於己而不恤於公也委曲弄文所以欺下而罔上故以危其君此奸臣也故是謂國奸此則魯之三桓齊之陳氏也

軍讖曰吏多民寡尊卑相苦強弱相虜莫適禁禦延及君子國受其咎

此言政無所統一故吏多民寡尊卑相苦



強弱相虜下不知所從故迤相欺罔如是  
而上之人亦莫之禁雖有君子亦將淪胥  
而陷之矣國安得不受其咎此正晉之政  
出多門而民無所適從是也  
軍讖曰善善不進惡惡不退賢者隱蔽不肖  
在位國受其害

此言見賢必用見不肖必去苟或疑貳之  
心生可用不用則賢者必退可去不去則  
不肖者必滋宜其賢者隱蔽而不肖者在

位矣所任非人國必受其咎此則郭父老  
言郭之所以亡也

軍讖曰枝葉強大比周居勢卑賤陵貴久而  
益大上不忍廢國受其敗

此言強族之侵逼也本強而枝葉大則宗  
族大而國微也比周居勢皆同惡相濟之  
人卑賤陵貴則欺下而犯上也若是之徒  
久則必大而上不忍廢之此所以敗其國  
此則魯之桓莊之族逼公室是也



軍讖曰：倭臣在上，一軍皆訟，引威自與，動違於衆，無進無退，苟然取容，專任自己，舉措伐功，誅謗盛德，誣述庸庸，無善無惡，皆與已同，稽留行事，命令不通，造作奇政，變古易常，君用倭人，必受禍殃。

此言統軍不得其人，故一軍皆訟，引威自尊，動違於衆，言自用也，無進無退，苟然取容，言不知進退而徒欲取容於國也，惟專任故伐，功有德者無所容，而無功者或見

通

述人無善惡同己者，用彼惟不知所用，故事必稽留，而命令不通行矣。造作奇政，欲使人之畏己也。變古變常，自任其智也。若用此人，必不能成功，故受禍殃。此唐使魚朝恩為監軍，容所以王師無統也。

軍讖曰：奸雄相稱，障蔽主明，毀譽並興，雍塞主聰，各阿所私，令主失忠。

此言奸雄迎相推許，以植黨與，主為之感，故其明以蔽，交相稱譽，而人主亦莫之弁。



故聰復為之壅主既無所聞見而彼之奸  
雄日以逞矣故阿附所私雖有忠臣亦無  
所容所以能令主失忠此則唐之鄭訓鄭  
注之徒籠主蔽賢之禍也

故主察異言乃觀其萌主聘儒賢奸雄乃遜  
主任白齒万事乃理主聘岩穴士乃得實謀  
及負薪功乃可述不失人心德乃洋溢

此言人君當審所觀聽明所取予異言易  
以惑眾故主察異言則可以觀其事之始

萌從而止之管蔡流言成王命周公誅之  
此能察異言而觀其萌也儒賢與奸雄勢  
不兩立君子進則小人退故主聘儒賢則

奸雄乃遁漢任汲黯淮南寢謀此則儒賢  
用而奸雄遜也白齒乃老臣也所謂故國

非有喬木之謂也有世臣之謂也能任白  
齒老臣則事無不理矣秦穆公不信蹇叔

之言及敗於殽乃思黃髮之詢以罔愆過  
是任白齒則万事理也岩穴之士無心於



求進故聘岩穴之士則可以得其實高宗  
得傳說於岩野之間一朝而置之左右三  
篇所陳無非治道之所寓可謂得其實矣  
負薪雖微而謀有可採故負薪所言即廊  
廡之語宜其謀及負薪而功乃可述也此  
晉人所以採輿人之誦而以成中城濮之功  
也、有德者乃可以洽人心故不失人心者  
必其惠之洋溢也此朝覲謳歌獄訟所以  
歸之舜禹者德之所及也

施氏三略講義卷第三十一終



林氏道春

林氏道春



